




ՀԱՅ ԵԿԵՂԵՑՈՒ ՍԱՀՄԱՆԱԴՐՈՒԹՅԱՆ ՆՈՐ ՆԱԽԱԳԾԻ ԿԱԶՄՈՒԹՅԱՆ ՀԱՆՁՆԱԺՈՂՈՎԻ ԱՆԴԱՄՆԵՐԸ ՄԱՅՐ ԱՅՈՒՈՒՄ

Վեհափառ հայրապետի հրավերով հոկտեմբեր ամսի կեսերին Մայր Աթոռ ժամանեցին Հայաստանյայց Եկեղեցու Սահմանադրության մոր մի նախագծի կազմության հանձնաժողովի անդամները:

Հանձնաժողովի անդամներն էին.

1. **Գերաշնորհ Ս. Տիրան արքեպ. Ներսիսյան (ԱՄՆ, Նյու Յորք).**
2. **Գերաշնորհ Ս. Սերովբե արքեպ. Մանուկյան,** Արևմտյան Եվրոպայի հայրապետական պատվիրակ և Ֆրանսիայի հայոց առաջնորդ (Փարիզ).
3. **Գերաշնորհ Ս. Ծաֆե արքեպ. Աճեմյան,** Երուսաղեմի հայոց պատրիարքական փոխանորդ ու ժառանգավորաց վարժարանի վերատեսուչ (Երուսաղեմ).
4. **Գերաշնորհ Ս. Արսեն եպս. Բերբերյան,** Արարատյան թեմի առաջնորդական փոխանորդ (Մայր Աթոռ).
5. **Բարձրապատիվ Ս. Մեսրոպ ծ. վրդ. Գրիգորյան,** հայրապետական պատվիրակ Կենտրոնական Եվրոպայի հայոց (Վիեննա):

Հոկտեմբերի 22—29 օրերին հանձնաժողովը Վեհաքառում գումարեց իր առաջին նստաշրջանը՝ ատենապետությամբ Ս. Տիրան արքեպ. Ներսիսյանի:

Հանձնաժողովի հաջորդ նստաշրջանը գումարվելու է 1982 թվականի հունիս ամսին Մայր Աթոռում:

ԵԿԵՂԵՑԱԿԱՆ ԲԵՄ. ԼՈՒՐԵՐ

Հոկտեմբերի 4-ին, կիրակի.—Այսօր Մայր տաճարում, Ավագ խորանի վրա, ս. պատարագ է մատուցում ուխտավորաբար Մայր Աթոռում գտնվող Ս. Ոսկան ծ. վրդ. Գալթակյանը և «Հայր մեր»-ից առաջ խոսում հավոր պառնակի քարոզ:

Ս. պատարագին ներկա էր Վեհափառ Հայրապետը:

*
* *

Հոկտեմբերի 7-ին, չորեքշաբթի.—Այսօր Վեհաբարանում, Վեհափառ Հայրապետի նախագահությամբ, տեղի է ունենում միաբանական հերթական հավաքույթ:

*
* *

Հոկտեմբերի 10-ին, շաբաթ.—Սրբոց Թարգմանչաց վարդապետաց մերոց՝ Մեսրոպյայ, Եղիշէի, Մովսիսի Բերթողին, Դաթի Անյաղթ փիլիսոփային, Գրիգորի Նարեկացուն և Ներսիսի Կլայեցուն:

Այսօր Օշականի Ս. Մեսրոպ Մաշտոց եկեղեցում, ի հիշատակումն «Սրբոց Թարգմանչաց վարդապետաց մերոց» տոնի, մատուցվում է ս. պատարագ: Պատարագին է ուխտավորաբար Մայր Աթոռում գտնվող Ս. Ավագ ծ. վրդ. Ասատուրյանը: «Հայր մեր»-ից առաջ հայր սուրբը խոսում է քարոզ՝ վեր հանելով մեր թարգմանիչ վարդապետների կատարած եկեղեցական-հայրենասիրական կարևոր գործունեությունը:

*
* *

Հոկտեմբերի 11-ին, կիրակի.—Այսօր Մայր տաճարում, Ավագ խորանի վրա, ս. պատարագ է մատուցում ուխտավորաբար Մայր Աթոռում գտնվող Ռուսիահայի ու Բուլղարիայի միացյալ թեմերի առաջնորդ Ս. Տիրայր արքեպ. Մարտիրոսյանը և «Հայր մեր»-ից առաջ քարոզում՝ վեր հանելով մեր թարգմանիչ վարդապետների ունեցած հսկայական դերն ու նշանակությունը մեր ժողովրդի եկեղեցական-մշակութային կյանքում:

*
* *

Հոկտեմբերի 12-ին, երկուշաբթի.—Այսօր, երեկոյան ժամը 19-ին, Երևանի հայրապետական վիլայում, Վեհափառ Հայրապետի նախագահությամբ, գումարվում է Գերագույն Հոգևոր Խորհրդի հերթական նիստ: Տ. Հուսիկ արքեպ. Սանթրուրյանը, որը

շուրջ 20 տարիներ ձեռնհասորեն վարել էր Ադրբեջանի հայոց առաջնորդությունը, (հրաժարվել էր այդ պատասխանատու պաշտոնից զբաղվածության պատճառով:

Գերագույն Հոգևոր Խորհուրդը, ընդունելով սրբազան հոր հրաժարականը, իր ջերմ գնահատանքը արձանագրեց նրա երկարամյա առաջնորդական ծառայության համար:

Նույն ժողովում, Վեհափառ Հայրապետի քարեհան կարգադրությամբ, Ադրբեջանի հայոց թեմի առաջնորդական տեղապահ նշանակվեց Մայր Աթոռի երիտասարդ միաբան Ս. Անանիա վրդ. Արաքսյանը:

Գերագույն Հոգևոր Խորհուրդը այս առթիվ առաջնորդական տեղապահին հաջողություններ մաղթեց՝ նրա պատասխանատու և կարևոր պաշտոնավարության ընթացքում:

*
* *

Հոկտեմբերի 18-ին, երեքշաբթի.—Այսօր, երեկոյան, ուխտավորաբար Մայր Աթոռ է ժամանում Անթիլիասի միաբան Ս. Մեսրոպ եպս. Աշճյանը՝ Նյու Յորքից:

*
* *

Հոկտեմբերի 14-ին, չորեքշաբթի.—Այսօր Վեհաբարանում գումարվում է միաբանական հերթական հավաքույթ, որի ընթացքում գեղեցիկ և բովանդակալից զեկուցումով հանդես է գալիս ուխտավորաբար Մայր Աթոռում գտնվող Ս. Տիրան արքեպ. Ներսոյանը՝ խոսելով Հայ Եկեղեցու առաքելության մասին մեր ժամանակներում:

Բանախոսությանը ներկա էր նաև Վեհափառ Հայրապետը:

*
* *

Հոկտեմբերի 18-ին, կիրակի.—Այսօր Մայր տաճարում, Ավագ խորանի վրա, ս. պատարագ է մատուցում Ս. Հակագուն արք. Նաջարյանը:

«Հայր մեր»-ից առաջ քարոզում է Վեհափառ Հայրապետը: Այդ քարոզը տպագրվել է «Էջմիածին» ամսագրի սույն համարում (էջ 5):

*
* *

Հոկտեմբերի 21-ին, չորեքշաբթի.—Այսօր Վեհաբարանում, Վեհափառ Հայրապետի նախագահությամբ, տեղի է ունենում միա-

քանակյան հերթական հավաքույթ, որի ընթացքում «Հայ Եկեղեցին, հայ ժողովուրդը դեպի հավիտենություն տանող մահադարձ է» թեմայով հետաքրքիր զեկուցում է կարդում Տ. Զատիկ արդ. Ավետիքյանը:

..

Հոկտեմբերի 25-ին, կիրակի.—Գիտ Խաչի.

Այսօր Մայր տաճարում, Ավագ խորանի վրա, ս. պատարագ է մատուցում ուխտավորաբար Մայր Աթոռում գտնվող Տ. Մեսրոպ ծ. վրդ. Գրիգորյանը:

«Հայր մեր»-ից առաջ քարոզում է Տ. Տիրան արքեպ. Ներսիսյանը՝ հավատացյալ-

ների կյանքում Ա. Խաչի խորհրդի, նրա դերի և նշանակության մասին:

Ա. պատարագին ներկա էր Վեհափառ Հայրապետը:

..

Հոկտեմբերի 28-ին, չորեքշաբթի.—Այսօր Վեհաքառնում տեղի է ունենում միաքանակյան հերթական հավաքույթ, որի ընթացքում զեկուցումով հանդես է գալիս ուխտավորաբար Մայր Աթոռում գտնվող Տ. Շահե արքեպ. Ամենյանը՝ խոսելով էկոմենիկ շարժման դերի և նշանակության մասին Եկեղեցիների հետագա մերձեցման գործում:

Դասախոսությանը ներկա էր Վեհափառ Հայրապետը:

ԶԵՆՆԱԴՐՈՒԹՅՈՒՆ ԾԻՐԱԿԻ ԹԵՄՈՒՄ

Հոկտեմբերի 18-ին, կիրակի օրը, Շիրակի թեմի Ցոթ Վերք սուաջնորդանիստ եկեղեցում քահանայական ձեռնադրություն են ստանում հոգևոր ճեմարանի քահանայից լսարանի ևս երկու երիտասարդ շրջանավարտներ:

Վերջին երկու ամսվա ընթացքում քահանայից լսարանի վեց ուսանողներ, մասնավոր ըննություններ հաճախելուց հետո, Վեհափառ Հայրապետի քարեման կարգադրությամբ ձեռնադրվում են քահանա՝ ծառայելու համար մեր ներքին թեմերում:

Հոկտեմբերի 18-ին Շիրակի թեմի առաջնորդ Տ. Նարեկ եպս. Ծաբարյանը քահանա է ձեռնադրում Ռաֆիկ Ադամյանին և Գևորգ Առաքելյանին:

Ռաֆիկ Ադամյանը անվանվում է Տ. Մյուռոն, իսկ Գևորգ Առաքելյանը՝ Տ. Շիրակ քահանա:

Երկու նորընծա քահանաները իրենց քառասունըրդ անցկացնում են Մայր Աթոռում՝

հոգևոր դեկավարության ներքո Տ. Նարեկ քահանա Մատարյանի:

Նույն օրը սարկավագական ձեռնադրություն են ստանում նաև նույն եկեղեցու դպիրներ Սամվել Զարդարյանը և Վահան Տերտերյանը:

Տ. Մյուռոն քհն. Ադամյանը ծնվել է 1954 թվականին, Էջմիածնում: Նախնական կրթությունը միջնակարգ դպրոցում ստանալուց հետո, ընդունվել է Էջմիածնի հոգևոր ճեմարան և 1968—71 թթ. ավարտել դասարանական քաժինը:

1981 թ. մայիսին ավարտել է քահանայից լսարանի երկամյա դասընթացը:

Տ. Շիրակ քհն. Առաքելյանը ծնվել է 1954 թվականին, Լեհիմականում: Միջնակարգ դպրոցն ավարտելուց հետո՝ 1967-ին ընդունվել է հոգևոր ճեմարան և սովորել մինչև 1972 թվականը:

1980 թ. նա ընդունվել է ճեմարանի քահանայից լսարան և 1981-ին ավարտել այն:

